

22 de maio, sobre rexistro e depósito de convenios colectivos de traballo e Real decreto 2412/1982, do 24 de xullo, sobre traspaso de funcións e servicios da Administración do Estado á Comunidade Autónoma de Galicia, en materia de traballo. Esta delegación provincial

ACORDA:

Primeiro.-Ordena-la súa inscrición no libro rexistro de convenios colectivos de traballo, existente nesta delegación provincial, e notificación ás representacións económica e social da comisión negociadora.

Segundo.-Ordena-lo seu depósito no Servicio de Relacións Laborais, Unidade de Mediación, Arbitraje e Conciliación.

Terceiro.-Dispoñe-la súa publicación no *Diario Oficial de Galicia*.

Ourense, 27 de xaneiro de 2004.

José Lage Lage
Delegado provincial de Ourense

MCA-UGT:
Javier Carreiro Vázquez.

FECOMA-CC.OO.:
Antonio Pérez Jácome.

FCM-CIG:
Xan Losada González.
José Antonio González Freitas.

ACO:
Sara González Jácome.
Manuel Novoa Velo.
Jorge Caride Luna.
Cesáreo Fernández Ríos.

En Ourense, ás 20.30 horas do día xoves 22 de xaneiro de 2004, reúnen-se nos locais da *Asociación Provincial de Empresarios da Construcción de Ourense* (ACO) os á marxe citados, previamente convocados para o efecto, partes lexitimadas para asinar convenios ou acordos sectoriais da construción de ámbito provincial. Preside a reunión Antonio Pérez Jácome, nomeándose secretario Cesáreo Fernández Ríos.

Único punto da orde do día: calendario laboral para o ano 2004 e actualización da táboa salarial convencional.

Logo de deliberación, posterior debate e votación, adóptase o seguinte acordo:

Acordo único adoptado por unanimidade: as partes lexitimadas para negocia-lo convenio provincial do sector da construción da provincia de Ourense, para axusta-lo calendario anual ás 1.750 horas establecidas no vixente convenio xeral do sector da construción, fixan como días non laborables do sector da construción para o ano 2004, os seguintes:

23 de xaneiro (luns de Antroido), 18 de marzo, 13 de agosto, 11 e 29 de outubro, 12 e 26 de novembro, 7, 24 e 31 de decembro, así como 2 horas correspondentes á xornada do 23 de decembro (xornada de 6 horas).

Estas datas poderán permutarse por outras diferentes, logo de acordo entre empresa e traballador.

Cando un festivo local coincida con algún día non laborable de convenio, este pasarase ó anterior ou posterior día laboral.

Estes días así establecidos non computarán para efectos do desfrute das vacacións.

Este calendario será de aplicación naquelas empresas que non teñan establecido o seu calendario laboral de acordo co artigo 72.4º do convenio xeral do sector da construción.

Tamén se actualiza a táboa salarial segundo anexo achegado, de conformidade co artigo 15 sobre cláusula de garantía salarial, do convenio sectorial vixente de aplicación, entrará en vigor o día da publicación oficial con efectos o 1 de xaneiro de 2004.

Facúltase a Cesáreo Fernández Ríos para presentar esta acta e o seu anexo ante a delegación provincial da Consellería de Xustiza, Interior e Relacións Laborais, para o seu rexistro, inscrición, depósito e publicación.

Este acordo adóptase por unanimidade.

E non tendo máis asuntos que tratar, levántase a sesión, logo de lectura e aprobación por unanimidade desta acta, ás 22.15 horas do día da data, asinando por sextuplicado, e para un só efecto.

ANEXO I

Convenio provincial do sector da construción da provincia de Ourense

Táboa de retribucións para o período 1-1-2003 ó 31-12-2003 (revisada)

Nivel	Categorías	Mensual				Pagas extras		Anual vacacións	Salario anual	Horas extras
		Soldo base	Complem. asistencia	Complem. transporte	Total mes	Xuño	Decembro			
II	Titulado superior	750,49	191,30	17,02	958,81	893,75	893,75	893,75	13.228,16	7,99
III	Titulado medio, xefe administrativo 1ª, xefe sec. org. 1ª	747,16	188,01	16,99	952,16	891,14	891,14	891,14	13.147,18	7,99
IV	Xefe de persoal, axte. de obra, encargado xeral de fábrica, encargado xeral	743,53	184,33	16,96	944,82	888,26	888,26	888,26	13.057,80	7,99
V	Xefe administrativo de 2ª, delineante superior, encargado xeral de obra, xefe sec. org. científica do traballo de 2ª, xefe de compras	740,17	181,05	16,92	938,14	885,64	885,64	885,64	12.976,46	7,99

Nivel	Categorías	Mensual				Pagas extras		Anual vacacións	Salario anual	Horas extras
		Soldo base	Complem. asistencia	Complem. transporte	Total mes	Xuño	Decembro			
VI	Oficial admto. de 1ª, delineante de 1ª, encarg. taller, encarg. sec. laboratorio, escultor de pedra e mármore, práct. topografía de 1ª, técn. org. 1ª	736,55	177,38	16,89	930,82	882,77	882,77	882,77	12.887,33	7,99
VII	Delineante de 2ª, técnico org. de 2ª, práctico topografía de 2ª, analista de 1ª, viaxante, capataz, especialista de oficio	723,27	164,11	16,76	904,14	872,33	872,33	872,33	12.562,53	7,61
VIII	Oficial admto. de 2ª, corredor de praza, oficial 1ª de oficio, inspector de control, sinalización e servicios, analista de 2ª	713,28	154,14	16,67	884,09	864,69	864,69	864,69	12.319,06	7,38
IX	Auxiliar administrativo, axte. topográfico, auxiliar de org., vendedores, conserxe, oficial 2ª de oficio	703,00	143,83	16,56	863,39	856,37	856,37	856,37	12.066,40	7,10
X	Auxiliar de laboratorio, vixilante, almacenreiro, enfermeiro, cobrador, garda-xuramentado, axudantes de oficio, especialistas de 1ª	692,71	133,53	16,47	842,71	843,36	843,36	843,36	11.799,89	6,69
XI	Especialistas de 2ª, peóns especializados	682,44	123,25	16,38	822,07	831,02	831,02	831,02	11.535,83	6,44
XII	Peóns ordinarios, limpador	671,83	112,65	16,29	800,77	822,70	822,70	822,70	11.276,57	6,19
XIII	Mozo dos recados e pinches de 16 a 18 anos	429,59	51,57	14,79	495,95	444,78	444,78	444,78	6.789,79	-
XIV	Traballadores en formación	390,21	36,17	14,53	440,91	407,24	407,24	407,24	6.071,73	-

Nota: as categorías que se indican, cunha antigüidade na empresa anterior o 7-7-1998, rexeranse para efectos económicos polos seguintes niveis: -Nivel VII: oficial admto. 2ª. -Nivel VIII: auxiliar admto. -Nivel V: encargado de taller.

Axuda de custo: 22,88 €.

Media axuda de custo: 10,14 €.

Resolución do 9 de febreiro de 2004, da Delegación Provincial de Pontevedra, pola que se dispón o rexistro, o depósito e a publicación, no Diario Oficial de Galicia, do convenio colectivo da empresa Cristalería Pontevedresa, S.A.

Visto o texto do convenio colectivo da empresa *Cristalería Pontevedresa, S.A.*, con nº de código 3603832, que tivo entrada nesta delegación provincial o día 3-2-2004, subscrito en representación da parte económica pola representación da empresa, e da parte social, polo delegado de persoal, en data 22-1-2004. De conformidade co disposto no artigo 90.2º e 3º, do Real decreto legislativo 1/1995, do 24 de marzo, polo que se aproba o texto refundido da Lei do Estatuto dos traballadores, Real decreto 1040/1981, do 22 de maio, sobre rexistro e depósito de convenios colectivos de traballo e Real decreto 2412/1982, do 24 de xullo, sobre traspaso de funcións e servicios da Administración do Estado á Comunidade Autónoma de Galicia, en materia de traballo, esta delegación provincial

ACORDA:

Primeiro.-Ordena-la súa inscrición no libro de rexistro de convenios colectivos de traballo, que consta nesta delegación provincial, e a notificación ás representacións económica e social da comisión negociadora.

Segundo.-Ordena-lo seu depósito no Servicio de Relaciones Laborales, Sección de Mediación, Arbitraje e Conciliación.

Terceiro.-Dispoñe-la súa publicación no *Diario Oficial de Galicia*.

Vigo, 9 de febreiro de 2004.

Joaquín Macías Sánchez
Delegado provincial de Pontevedra

Convenio colectivo de traballo para a empresa *Cristalería Pontevedresa, S.A.*

Capítulo I Condicións xerais

Artigo 1º.-Obxecto do convenio.

Este convenio ten por obxecto establece-las condicións de traballo entre a empresa *Cristalería Pontevedresa, S.A.*, e o persoal incluído no ámbito desta, de acordo co disposto no artigo seguinte.

Artigo 2º.-Ámbito persoal.

Este convenio afecta a tódolos traballadores que prestan os seus servicios na empresa *Cristalería Pontevedresa*, con exclusión do persoal superior a que fai referencia o Estatuto dos traballadores no punto a), artigo 2.

Artigo 3º.-Ámbito territorial.

As normas deste convenio serán de aplicación en tódolos centros de traballo que na actualidade ten a empresa *Cristalería Pontevedresa* en Pontevedra ou os que se poidan establecer durante a vixencia do presente convenio.

Artigo 4º.-Duración e vixencia.

O convenio entrará en vigor ó día seguinte da súa sinatura, sen prexuízo da súa publicación no BOP.

Terá una duración de cinco anos, contados desde o 1º de xaneiro de 2004 e ata o 31 de decembro de 2008.

Entenderase prorrogado de ano en ano, salvo denuncia de calquera das partes con tres meses de antelación, polo menos, á data da súa terminación.

Artigo 5º.-Condicións máis beneficiosas.

O persoal que con anterioridade ó convenio viñese gozando de condicións máis beneficiosas que as aquí pactadas, deberá conservalas.